



Arkivnr: 2015/12714-13

Saksbehandlar: Tone Stedal Haugland, Britt-Karen Spjeld

## Saksframlegg

### Saksgang

Utval	Saknr.	Møtedato
Utval for kultur, idrett og regional utvikling		22.01.2019

### Fullmakter på kultur- og idrettsområdet 2019

#### Samandrag

Det vert i denne saka gjort framlegg om delegasjon til fylkesrådmannen av fordeling av midlar på nokre budsjettpostar knytt til kultur, idrett og friluftsliv.

Forslag om delegasjon til fylkesrådmannen omfattar følgjande postar i budsjettet:

Post 400.410: Fylkespremiar kr 50.000

Post 400.420: Støtte til regionale arrangement for menneske med nedsett funksjonsevne - psykiatri/rus og psykisk utviklingshemma/ partnerskap for folkehelse kr 550.000

Konferansar/ kompetanse knytt til aktivitets- og anleggsutvikling i kommunar og organisasjonar kr 233.000

Post 400.720 – internasjonalt kultursamarbeid. I kulturbudsjettet er det tre postar knytt til internasjonalt kulturarbeid og –samarbeid:

Internasjonalt kultursamarbeid 180 000 kr

Juleprosjekt Orknøyene, Edinburgh og Cardiff 180 000 kr

Kulturavtale (Basse) Normandie 150 000 kr

Fylkesrådmannen legg fram føringar for bruken av desse midlane i saksframlegget. Desse bygger på vedtekte føringar i budsjettdokument og Regional kulturplan for Hordaland 2015-2025.

**Økonomi:** Tildelingane er i samsvar med vedtekte budsjett.

**Klima:** Fylkesrådmannen kan ikkje sjå at saka har relevans for t.d. klimaavtrykk.

**Folkehelse:** Regional plan for folkehelse 2014 - 2025 - fleire gode leveår for alle: Kulturopplevingar har positiv verknad på folkehelsa. Vidareutvikle eit breitt og variert kultur- og idrettstilbod til barn og unge. Stimulere til kompetanseutvikling innanfor offentleg kulturforvaltning og innan kultur-, idrett- og friluftssektoren. Styrke mangfald i aktivitet og deltaking for grupper som treng særleg tilrettelegging.

**Regional planstrategi:** Gjennomføring av Regional kulturplan for Hordaland 2015-2025. Gjennomføring av Regional plan for folkehelse 2014 – 2025.

## Forslag til vedtak

Utval for kultur, idrett og regional utvikling gir fylkesrådmannen fullmakt til å fordele/disponere tilskota innan kultur, idrett og friluftsliv i følgjande postar etter dei føringane som ligg i saka:

1. Post 400.410: Fylkespremiar kr 50.000
2. Post 400.420:  
Støtte til regionale arrangement for menneske med nedsett funksjonsevne - psykiatri/rus og psykisk utviklingshemma/ partnerskap for folkehelse kr 550.000  
  
Konferansar/ kompetanse knytt til aktivitets- og anleggsutvikling i kommunar og organisasjonar kr 233.000
3. Post 400.720 – tre budsjettpostar knytt til internasjonal kulturarbeid og –samarbeid:
  - a. Internasjonalt kultursamarbeid, kr 180 000
  - b. Juleprosjekt Orknøyene, Edinburgh og Cardiff, kr 180 000Kulturavtale Basse Normandie, kr 150 000

Ingrid Kristine Holm Svendsen  
kst. fylkesrådmann

Per Morten Ekerhovd  
fylkesdirektør kultur og idrett

*Saksframlegget er godkjent elektronisk og har derfor inga underskrift.*

## Fylkesrådmannen, 19.12.2018

Fylkesrådmannen legg i denne saka fram forslag om at Utval for kultur, idrett og regional utvikling gir fylkesrådmannen fullmakt til å fordele tilskota i følgjande budsjettpostar i budsjettet for 2019 etter føringane som her vert lagt fram:

### **Post 400.410 - 1. Fylkespremiar**

Arrangement i regi av Norges Idrettsforbund, Det frivillige skyttarvesen og/eller underliggjande organisasjonsledd kan søke Hordaland fylkeskommune om premiering til nasjonale og internasjonale meisterskap på seniornivå og til yngre klassar. Premiane er sølvpokal og kunstverk med idrettsmotiv. Det kan søkast om fylkespremiar gjennom heile året, seinast 2 veker før arrangementet.

Bilde med idrettsmotiv vert også gitt i gåve ved opning av større innandørs idrettsanlegg og jubileum til større regionale samarbeidspartnarar.

Det vert tilrådd at Utval for kultur, idrett og regional utvikling gjev fylkesrådmannen fullmakt til å fordele fylkespremiar.

### **Post 400.420**

#### **Støtte til regionale aktivitetsarrangement for personar med nedsett funksjonsevne - psykiatri/ rus og psykisk utviklingshemma/ partnerskap for folkehelse.**

Aktivitetane vert planlagt og gjennomført i eit samarbeid mellom ulike aktørar. Kr 400.000 er avsett til psykiatri/ rus og partnerskap for folkehelse i budsjettet. I tillegg vert kr 150.000, som Hordaland fylkeskommune har fått tilført etter søknad til Helse Bergen, nytta til å styrke arbeidet med unge innan psykisk helsevern. Totalt kr 550.000.

Det vert arbeidd med utvikling og etablering av nye aktivitetsarrangement for målgruppene. Hordaland fylkeskommune ønskjer å samarbeide med kommunar og andre aktørar for å skape aktivitet med god kvalitet gjennom instruktørar og leiing med god kompetanse og innhald som er med å skape ein aktiv kvardag for deltakarane. Gjennom samarbeidet i Idrettscampus Bergen er det etablert ulike delprosjekt m.a. Knutepunkt. Energisenter for barn og unge ved Haukeland universitetssjukehus, Bergen kommune, Hordaland idrettskrets, Høgskulen på Vestlandet og Hordaland fylkeskommune er sentrale aktørar i arbeidet. Målet for dette prosjektet er at barn og unge skal få lyst til å være fysisk aktive, trives på trening og oppleve fellesskap med hverandre uavhengig av helsetilstand. Eit av fokusområda er å utvikle modellar for auka deltaking og gjennom gjennomføring av kroppsøvingsfaget i vidaregåande utdanning, i grupper av elevar som no er lite fysisk aktiv. Det er avgjerande å sjå dette arbeidet i samanheng med folkehelsearbeidet forøvrig. Hordaland fylkeskommune deltek i det nasjonale programmet for folkehelsearbeid i kommunane 2017-2027. Programmet skal fremje barn og unge frå 0-24 år sin livskvalitet og psykiske helse og det rusførebyggjande arbeid i kommunane gjennom samarbeid på tvers av sektorar. 5 kommunar og ein region i Hordaland deltek i samarbeidet så langt.

Hordaland idrettskrets arbeider godt og målretta med inkludering av mennesker med nedsett funksjonsevne. Dei har jobba særleg mot Hardangerkommunane, og tek eit viktig regional ansvar med å prøve å dekke alle kommunane med sitt arbeid. Hordaland fylkeskommune er positiv til å styrke dette arbeidet etter Landsturneringa i Bergen i 2018.

Fylkesrådmannen tilrår at utval for kultur, idrett og regional utvikling gjev fylkesrådmannen fullmakt til å disponerer/fordele inntil kr 350.000 til samhandling i Idrettscampus Bergen for auka fysisk aktivitet for ungdom innan psykisk helsevern, kr 100.000 til Hordaland idrettskrets.

Fylkeskommunen ønskjer i tillegg å samarbeide om utvikling av nye regionale arrangement og prosjekt i andre regionar, særleg sett i samanheng med regionsreforma. Kommunar/regionar, institusjonar og andre relevante aktørar vil vere naturlege å samarbeide med. Fylkesrådmannen tilrår å sette av inntil kr 100 000 til dette arbeidet for 2019.

### **Post 400.420 Konferansar/kompetansetiltak**

Det er avsett kr 160.000 til konferansar/kompetansetiltak ovanfor kommunane og organisasjonar som t.d. anleggskonferanse, dialogkonferanse, nettverkssamlingar og ulike kurs. Kulturdepartementet tildeler årleg,

på basis av søknad og rapportering, kr 75.000 til utviklingsarbeid i fylkeskommunane. Såleis er det kr 235.000 til desse tiltaka for 2019. I 2020 er det planlagt ein felles dialogkonferanse for idrett og friluftsliv på Island for nye Vestland fylkeskommune. Såleis må det også nyttast midlar til god førebuing av denne.

Det vert tilrådd at Utval for kultur, idrett og regional utvikling gir fylkesrådmannen fullmakt til å disponere desse midlane til føremålet.

Øvrige tilgjengelege midlar på post 400.420 vert nytta til delfinansiering av tiltak for å realisere Regional kulturplan 2015-25, i samarbeid med kommunar og/el frivillige organisasjonar. Det vert tilrådd at Utval for kultur, idrett og regional utvikling gjev fylkesrådmannen fullmakt til å fordele desse midlane.

### **Post 400.720 Internasjonalt kulturarbeid**

I kulturbudsjettet er det tre postar knytt til internasjonal kulturarbeid og –samarbeid (Post 400.720):

Internasjonalt kultursamarbeid 180 000 kr

Juleprosjekt Orknøyane, Edinburgh og Cardiff 180 000 kr

Kulturavtale Basse Normandie 150 000 kr (2018, 214 000 kr)

Desse tre budsjettpostane er omtala slik i budsjettet for 2019:

#### Internasjonalt kultursamarbeid

Denne posten vert i hovudsak nytta til prosjekt i samarbeidsregionane og kan støtte særlege satsingar i desse, men kan og støtte opp anna internasjonalt kultursamarbeid.

#### Juleprosjekt Orknøyane, Edinburgh

Posten er nytta for å støtte dei tradisjonsrike adventsmarkeringane med juletretenning og vinterfestival. I Cardiff er det ikkje lenger aktivitet, medan det er stor merksemd om arrangementa i Kirkwall og Edinburgh. På Orknøyane legg kultur- og– idrettsavdelinga opp turne i skulane, i tillegg til konsertar. Adventsmarkeringane vil gå som ordinært i 2019.

#### Kulturavtale Basse Normandie

Regionreform i Frankrike, har medført at Basse Normandie no er del av den nye regionen Normandie. Samarbeidsavtalen frå 2009 må difor reviderast. Det er aktuelt å gje stønad til at kunstnarar frå Hordaland kan delta i festivalen Les Boreales i november.

Midlane på dei tre postane ovanfor som omhandlar internasjonalt samarbeid, går primært til tiltak initiert av Hordaland fylkeskommune. I særskilde tilfelle kan andre aktørar få tilskot dersom prosjekt/tiltak støttar opp under innhaldet i samarbeidsavtalane og er i samsvar med prioriteringar i Regional plan for kultur 2015– 2025.

Hordaland fylkeskommune har fleire samarbeidsregionar i Europa: Orknøyane og Edinburgh i Skottland, Cardiff-området i Wales, Kaunas i Litauen og (Nedre) Normandie i Frankrike. Samarbeida har ulikt fokus, premiss og aktivitetsnivå. Budsjettposten internasjonalt kultursamarbeid skal i hovudsak gå til prosjekt og tiltak knytt til samarbeidsavtalane/samarbeidsregionar. Ei systematisk vidareutvikling av samarbeidet med (Basse)Normandie og Skottland/Edinburgh er vedteken i Regional kulturplan.

Normandie: Kultur er eit viktig felt i samarbeidsavtalen med Normandie, og det har vore gjennomført mange interessante samarbeidsprosjekt dei siste ti åra . Budsjettposten «Kulturavtale Basse Normandie» skal utvikle og styrke samarbeidet mellom dei to regionane. Regionreforma i Frankrike som fekk verknad ved årsskiftet 2015/2016, resulterte i at Haute Normandie og Basse Normandie vart slegne saman til Normandie. Det har etter dette ikkje vore igangsett nye samarbeidsprosjekt, men etablerte samarbeid og utvekslingar går slik som før. Vår eigen regionreform gjør også at ein i stor grad avventar evt nye satsingar.

Samarbeidet mellom Basse Normandie / Normandie og Hordaland har gjennom alle åra særleg vore knytt til den tverrestetiske festivalen Les Boreales som har fokus på nordisk kultur. Ein har kvart år hatt

arrangement i programmet med merkelappen «Made in Hordaland» der artistar og kunstnarar innan ulike kunstformer har delteke. Dette kan vere framsyningar av allereie produsert materiale, men kan også vere spesialprogram sett saman for dette høvet. Det er presentert ulike kunstnarskap og prosjekt for festivalleinga, og det vil verte brukt midlar frå denne kontoen for å støtte festivalen sine «Made in Hordaland»-prosjekt. I 2019 skal Noreg vere hovudland i festivalen, og det er planar om større oppsetningar med Hordalandskunstnarar. Her kan det vere naturleg å gå inn med ein monaleg del av dei avsette midlane.

Det er også etablert eit program for utveksling av unge kunstarar innan det visuelle kunstfeltet der unge kunstnarar frå dei to regionane har tre-månaders gjestekunstnaropphald. Her har Fakultet for kunst, musikk og design, UiB og ESAM kunstskulen i Normandie vore partnerar. Det er usikkert om denne utvekslinga vil verte gjennomført i 2019, grunna forandringar i kulturadministrasjonen i Normandie etter regionsreforma.

Det har også vore interesse for samarbeid med Irland. Det var i 2017 gjennomført eit prøveprosjekt med forfattarutveksling mellom Hordaland og Irland etter at Den norske ambassaden i Dublin henvendte seg om dette. Det er uttrykt stor interesse frå ambassaden for samarbeid mellom Irland og vest Noreg på grunn av dei historiske tette banda. Det kan bli aktuelt å setje av nokre midlar til å jobbe litt vidare med dette.

Det vert sett av nokre midlar frå *kontoen Internasjonalt kultursamarbeid* til dekking av mindre utgifter knytt til bruken av kunstnar-/kulturarbeidarbustaden i Covarrubias, Spania.